



2

T 3210/8546.31





CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

錢塘縣志卷之二十九

哈佛大學漢和
圖書館珍藏印

泉

錢塘縣知縣南樂魏嶮纂

節婦

明

吳氏

山陰席祥妻祥以避兵來錢唐娶氏生子未晬而祥歿氏年二十有六歎曰吾席婦也義不當留父母家乃奉靈櫬絕濤江而東葬於先塋之次從其娣輩事舅撫遺嬰姑患瘍痛甚氏為吮之無難色親戚鄉黨稱其節孝

其節孝

孫氏

吳怡妻生一子繼方二歲怡卒後舅姑相繼歿皆氏罄奩具以葬守節五十餘年壽近九十成化三年旌表

陳氏 名文婉張景忠妻孝敬舅姑生子方孩而景忠卒甫除服有諷其改志者唾去之携其孤日泣舅姑前舅姑亦泣下舅姑歿喪葬貧儉而稱禮

鄭氏 包謙妻父臨潼人任杭稅課大使攜女隨任擇士之秀者歸之遂適包謙舉成化己丑進士授行人卒於京師鄭時年二十六遺孤光弼方五歲鄭遂扶觀還家家貧勤女紅自給無間寒暑十指皆攣課子讀書焚膏過夜半始就寢光弼以明經官貴池縣學訓導氏年八十三卒弘治五年旌表

王氏 右衛前所千戶華榮妻年二十歸榮越五年榮死遺孤尚幼矢志至老不渝縞衣蓬首終身茹蔬不赴華宴家僮悉屏外戶弘治中旌表年九十二卒

楊氏 孫玉妻年十九歸玉承事舅姑以孝敬稱居數歲愈逾年疾復大作竟不起楊氏哀毀絕粒求以身殉姑諭以養親存孤之義乃雪涕強食時年二十七人

有欲移其志者輒叱絕之終身不與語屏去膏沐自稱未亡人教二子宗黼宗黻必以德義及舅姑相繼歿罄奩具以襄大事二子皆賢黻尤以孝著弘治甲寅奉詔旌表年八十七卒曾孫枝官山西叅政

陳氏 徐泰皓妻字妙善年二十一歸徐越三年泰皓得危疾卒氏年二十四未有子苦志不貳事翁姑曲盡孝養托所親勸翁納副室生子崑氏慮其幼弱盡心撫育以至成立崑感嫂恩以母事之年五十七而卒

陸氏雙節 張氏陸鎮妻年二十四鎮病故遺子榮誓死守志鎮有弟陸二郎娶婦倪氏二郎卒於京倪氏扶柩回杭竭力營葬同撫姪榮底於成立至正德二年榮以二氏守節狀詣京具奏得旨旌表雙節樹坊於其里

孔氏 字妙真金廣妻生二子廷珮三歲廷瑞方週廣忽感疾卒氏年二十有七公姑衰老氏紡績極力供

養公姑歿罄家資以營葬具訓飭廷瑞讀書舉正德丁丑進士仕至光祿少卿曾孫俸汀州府推官妙真寡居五十年雖兄弟弗同坐雖童稚勿相授受正德十四年旌表

于氏 字永康應天府尹于冕之女忠肅公謙女孫年二十一嫁吏科給事中張晟為繼室成化二十一年晟奉命封滿刺伽國王道卒於贛輿櫬歸杭氏聞喪號痛嘔血欲死時年二十六不服華麗不食膏腴不踰閨閫謹撫遺孤讀書成立歷四十二年如一日嘉靖三年有司疏其貞節請旌其門

勞氏 字妙祥年十七歸陳經經病歿止遺三女上無舅姑下鮮兄弟氏年二十七誓死守志日夕勤織紉為生平生閉戶不出至親罕覩其面守節四十五年七十二卒嘉靖十二年旌表

呂氏 年十九歸金模甫數歲模負貲商姑蘓感疾卒呂方二十七歲聞訃痛絕既而幡然曰吾即死得矣弱孤疇與撫高堂疇與事遂忍痛襄事粗衣淡食撫育幼子山成立嘉靖十四年旌表三十五年郡城大火將及其廬呂焚香祝天旋即返風城南萬井煨燼而金氏獨全人皆異之

蔣氏 適郡學生姚經正德丁卯經舉於鄉踰年卒氏年二十七呼天號痛矢志靡他孝養舅姑勤撫孤女選於宗屬得子銘為後銘又死以從孫彩嗣之督家眾勤織紉不墮先緒娶居六十年不窺戶闥不佞佛不接保姆嘉靖二十年旌閭年八十七歲卒

張氏 凌桂妻歸凌數歲夫與舅繼歿遺孤僅五月氏年二十有六始夫歿時慟哭欲死為有孤與老姑在乃不死事婆姑備盡孝敬是時凌氏不絕如帶有強宗某圖攘其室嗾父張欲奪婦志婦誓死不許一日父張持挺呼婦甚急聲色俱厲婦舉聲大慟曰未亡人豈愛一死所以不死者為五月兒也且大人有女執節凌氏於大人不有光耶今父既不知女心吾生不如死乃舉頭觸棺首為碎裂鄰婦挾持之得不死

父張計沮遂寢氏更截髮毀容以植遺孤冀其立也命之日立含哀茹戚雪皎霜嚴六十年如一日孤長

登進士官至建昌守嘉靖間奏聞旌表加封太安人
隆慶庚午二孫登名登瀛同舉於鄉瀛第一丁丑成
進士戊寅節婦
卒年八十八

錢氏 士人朱登妻年二十七登
亡守志不二嘉靖間旌表

田氏雙節 朱氏字秀蘭年十八適田鳳甫二年鳳死無
子氏矢志自潔躬刺繡以自給日惟蔬素蕭
然一室雖宗嫺未嘗覲面守志四十年卒鳳從弟鵬
妻毓秀亦朱氏年十九適鵬甫五載鵬疾亟朱氏封
股為糜以進鵬竟不起遺孤大年甫三歲撫以成立
不窺戶外垂五十年嘉靖中奏聞旌表大學士呂本
為著傳建坊故
里稱雙節云

鄭氏 年十九適王應奎甫六年應奎病卒氏年二十四
遺二女熒熒孑立誓死守志屏去膏沐自終喪後
銜哀飲泣不苟言笑晚年王氏家益衰鄭就母家以
養及女長適姚公器氏乃就養婿家年六十五卒

陳氏 孝蕪林萬春妻萬春疾卒陳氏哀毀不欲生慰
諭再三莫能解也竟遘疾而死隆慶初旌表

葉氏 何材妻材父嘗贅居梁氏復稱梁材氏敬順柔婉
材歿氏年二十五一女方襁褓氏日夕茹哀已瀕
九死所親勸之曰梁何二族皆寡嗣息女得善壻庶
幾寄蒸嘗焉不然併死若女矣氏為強食囚首垢面
屏絕膏沐女既長贅壻楊兆金雖同居未嘗燕
見隆慶間有司旌其門曰貞節年六十二而卒

陶氏 趙安妻年十八適安安以督運赴京卒於道氏年
二十五子女俱無舅姑欲奪其志氏矢志矢節不渝嚙
指出血舅姑知不可奪勉從其志謝鉛華甘布
素日事女紅以給守節五十餘年七十六卒

高氏雙節 朱氏諸生高鎧妻二十三歲鎧卒守節四十
五年子倫妻吳氏二十七歲倫卒守節三十
五年隆慶
二年旌表

姚氏 高自瀛妻瀛文端公孫山陰官生早卒氏艾年守
志終身不見男子面以壽終萬曆四十年旌表

殷氏

海鹽人吳博妻宮詹學士太冲高祖母博少年高才博綜典籍為族人所忌會元旦飲宗祠遇毒昇歸而卒遺孤方四齡殷年十九知詩書有智畧度一弱女子不能申理且族大莫適主名視博含殮畢挈孤載其柩乘夜遷錢唐之豐寧里居焉伶仃孤苦日工針縷以給教其子讀書為口授大義嘗相與泣曰當爾父死時吾不一死以殉汝父念汝幼故忍苦至今汝能自立吾旦暮即從爾父遊矣終身不言筭布衣蔬食獨居一室寂不聞聲臨歿誠其子曰夫差爾忘越王勾踐之殺爾父乎三呼乃卒吳氏之籍武林自殷始子棠有文名

胡氏

餘姚人姜縉妻縉卒胡年二十四生二子長立三試之語曰爾少二子幼盍早決胡懼即拔骨簪刺雙目流血盈堦目遂瞽有司驚嘆杖族人而許以終身於是徙居錢唐馨如里錢唐之有姜由夫人始也卒年九十九嘉靖九年大火柩未殯立達號慟向火叩

頭風反得免繼孫子羔登嘉靖癸丑進士因歸宗姜始大

侯氏

吳俊妻名淑宜保定雄縣人俊第進士為當塗令以疾歸不起子光世方幼侯含哀撫孤初俊在時光世病疹卧侯懷中遺矢汚裙裙美俊惜之疾呼侯侯恐驚光世不動俊捉筆投之筆銳入目中侯抱恙手不可動流血被面目竟眇逮俊卒親戚構釁欲奪其產僮僕星散侯年三十二至京師依其兄大司馬瓚居光世長舉順天戊午鄉試侯出俊居官時所欲上疏稿示之曰此而父志也汝勉之故光世能紹父家聲侯既老獲食其報

周氏

名妙江杭州右衛人適本衛王葵葵病割股愈之後葵歿周年三十五諸子皆童穉葵語周曰若素有婦德吾死不以若為慮顧吾家世困行伍若能使後人業儒以亢宗者吾瞑矣氏變生產以資膳讀守節五十三年家計日微而訓課愈切子若孫皆為諸生有才名氏曰吾可以下見先人矣年八十七卒隆

慶中撫
臣旌表

范氏

何文貴妻生一子甫二歲而文貴以市魚賈于海舟沒海中屍漂泊不知所向范抱孤號哭江濱五日有屍隨潮上止淺所死敗不能識既視其左手有約指文貴物也遂昇之以歸范年二十三守節不渝正德十二年五月十七奏聞旌表

俞氏

名敬淑十六適醫士即經五年夫故痛哭服滿救甦長齋布素撫二幼女繼姑張庇已生女迫淑更嫁淑截髮斷指以誓百計窘辱不可奪姑與族子瑛謀鬻住屋百金淑痛欲死里人懼聞于縣令判留其半與淑因旌其節瑛卒鬻之少與淑直逐之出淑不得已措數椽獨居後字二女皆以婦德著氏苦節凡三十九年卒年五十八賣所居屋以殮合葬南山飲馬橋

張氏

歸同邑陳綱嘉靖甲申生子瓏而綱病流注穢惡不可近張奉侍惟勤衣不解帶數月綱竟亡張年甫二十九乃謝脂粉誓死守志上事舅姑下撫襁褓脩極荼苦張甚甘之卒能教子成立年八十而亡

徐氏

名淑順年二十適儒士朱卓然三年生子方一月夫故六年子亦故姑庇已女待之不堪徐賴女紅以活勤慎端恪姑亦化之萬曆三十五年徐五十二歲會恩詔表揚給粟帛若干

錢氏

孝廉張杞繼室杞卒錢二十九所生子及前母子庶生女皆幼遺橐如洗氏晝夜力作供子女衣食內外姻戚吉凶諸禮皆絕懸夫小像舉案對食者十五年一日對夫像泣曰後君十五年死然娶兩媳嫁一女哭君十五年淚盡而後死吾不為後死也遂寢疾子婦進湯藥不飲卒其族孫翥妻朱氏慕氏義烈亦懸夫小像朝夕對之泣泣五年而歿其感人如此氏子蔚然令福安奏績贈孺人

沈氏

武毅將軍李登勲妻年二十五歲夫故守志五十年萬曆間旌表

陸氏

李鸞妻幼慧通書傳大義喜覽堪輿家言歸李數年夫業賤遭挫逆氣夾暴卒氏年二十四自度孱

弱不能湧夫冤抱二子痛哭徃徃眩絕後長子仁歿次子義治生凡內外賢遷經理俱陸心計口授內外肅然生平不持齋素不佞神佛自徃山中擇地葬夫至八十四歲卒與鸞合葬焉

沈氏

毛偉妻年十九歸偉二十七而娶居是時父翁俱物故弟光祚尚困諸生家徒四壁立氏乃勤女紅哺三子殯翁姑不愆於禮長子文龍有雄畧積功晉都督同知誥贈太夫人仲龍雲龍皆補官

張氏

年十七歸鄒觀事翁大叅公姑季淑人恭且淑年二十九觀卒却鉛華御荆布坐機操杼以節儉訓諸子多成立彬彬有聲姑季淑人疾甚名宗姪詔之曰吾媳事吾三十年妻道順婦道敬母道惠而莊鄒門賴以振起吾死瞑目矣氏七十一歲卒冢宰張瀚銘其墓

沈氏

尚邦寧妻邦寧莆田人世業蹉占籍錢唐喜任俠為人償負數十金以勞成疾卒沈矢志靡他撫育藐孤家中落外侮登至于是謝世業擇師友磨礪其子以庠於成長子士醇赴山西丙午鄉試中亞魁次

孫爾志慷慨好施守節五十餘年年八十一卒卒後孫觀法庚午舉人曾孫楷丙午盛京舉人世以為皆

氏遺澤焉

蔣氏

張一賢妻少宗伯良女曾孫女少貞靜有志操及歸賢有聲鬢序萬曆丙午病喀血卒蔣氏時年二十六欲以身殉姑勸而止性剛明有矩矱不言笑者三十餘年將死則笑曰吾今日無愧希叔矣希叔一賢字也有二女吳宮詹太冲童年時氏見之曰端人也以女字之次女適諸生汪茂枝茂枝夭死女年二十餘忍死守孤以待成立蓋有母風者其嗣子淳以母苦節陳有司為題請旌門歲給粟帛若干

劉氏雙節

方氏劉萬春妻周氏劉洲妻洲卒時氏年三十洲有兄不肖豔弟厚藏乃于入山厝柩時傾倒筐篋攜之去氏歸家蕩然無遺費矣慟哭曰此欲易吾節耳吾心匪石雖迫人于險何益方氏亦娶居嘗相持對泣不能語洲子承祖學成守節四十餘年先後卒

張氏

丁景妻景好飲擊筑吹笙口與酒人游年二十九卒遺孤二家貧恒絕爨氏製巾帽以濟朝夕長子悅年十四補博士弟子員次子愷太學生明萬曆初請于當事得旌其閭云

高氏

沈應科妻門戶衰薄氏更事三姑盡得其歡應科死一子且幼伶仃孤苦口瘡手据者三十餘年子惟一以從事仕至重慶府叅軍色養倍至高天性嚴毅無嬉笑容訓孫子誦讀篤行誼疊疊不倦年七十有四無疾卒萬曆癸卯巡撫高舉疏題得旨旌表歲給米帛

褚氏

胡有慶妻年二十三歲夫故子萬鍾僅三歲及娶室而夫與媳吳氏共守吳年甫二十以從孫吉士為嗣苦節三十餘載吉士郡廩生有文名

唐氏

蕭鳳妻二十而嫁二十八歲而鳳死遺孤亢金六齡唐觸棺欲死父慰再三始就勺飲家計匱乏朝夕殮水粥者再未嘗告哀于人隣火驚延及氏家冒烈焰抱夫主出八十五歲卒子亢金合肥丞明崇禎

四年題旌祠主表

貞祠庭坊墓門

胡氏

甲戌進士徐灝祖母崇禎七年其孫灝成進士上疏曰伏念臣祖母胡氏原任撫治鄖陽都御史胡心得女十九歸臣祖生員彥鯉不幸早世祖母年二十有八教臣父具有禮法長娶母郭氏生臣四歲而見背祖母撫愛孫一如子其教臣亦然臣長娶妻陸氏隨復天歿遺孤襁褓祖母撫愛曾孫一如臣今年七十四矣臣上公車臣父泣曰我讀書無成無以報母汝有寸進不可忘汝祖母臣伏思祖母守志在二十八今壽七十四與會典合伏冀聖慈允行臣捐頂踵莫報矣奉旨照例建坊旌表

彭氏

李鑰妻嘉靖時倭亂門于武林鑰避寇入城家業盡棄忽憶祖所傳禁方緹城往取及反而門不可復入趨走西山無從得食食楊梅過飽遂死亂定尋所往得骸骨西山樹下遺書在焉遺二子長三齡次彌月彭泣曰天乎死者有靈庶有以示我乎鑰死即葬西山墓上生楊梅一樹益茂盛子孫由是益大有

司表
其廬

郎氏

何應聰繼室聰先娶楊生子金再娶氏不二年聰卒氏無子撫金如所生金七歲聰有族弟某素無

行闕氏少寡恒使人給以事夜則投瓦石驚之與氏有他志得分利其財氏知之守身益嚴日未夕即闔

門朝舖方啓既逾年某誘金令誣母虐使其子訟諸縣且令金依其叔金雖幼伴應之諾及讞獄反其辭

願母子相依縣廉得其情杖遣之某又假夫死不葬執大義責氏氏即出簪珥夜募人營葬比曉墳已就

令聞之益怒重責某而厚卹氏安貧苦節近五十年見其子金生孫且長歿年六十有九日某無如予何

予死得
瞑目矣

錢氏

范桂年妻嫁三載桂年死有子應科甫週氏日抱其子泣自矢靡他乃其姑亦早寡念兩世皆嫠居

吾子桂方成立而又無祿今遺孤若此豈易言守氏弟時過詈其姊聞于廉使竇公公命郡守訊其狀守

因從容諭氏更適氏慟哭弗聽姑不能奪持其兒去已復還兒氏歸守于母家年八十一貞操凡五十七

年後應科先氏沒氏復撫其孫郡縣聞之三表其門

徐氏

沈尚友妻尚友卒時氏年二十有八遺孤二人長三歲次彌月氏誓死撫孤日刺繡自給辨色起漏

四下乃已久之目盡腫手皆皸瘃號泣無以為計忽假寐見尚友曰吾已得請天帝憫爾慈節目復明創

得愈兼賜神針足食力也驚覺病已其所刺繡益工且敏咸稱徐神針年七十有四卒

沈氏

參軍錢九臯繼室元配何有子六齡氏撫若已出與氏舉二子無異視及九臯歿京師親長諷之嫁

志益堅孫世清山東按察司副使請于朝得旌

顧氏

朱琬妻貢生棟冕祖母琬生望族獨落魄遷于錢唐思為治生計然朝夕手一編食貧如故病卒氏

二十三遺孤二忍死撫育年七十有四卒

毛氏五節

陳氏名秀芳十九歸毛珣逾年珣卒無子守志五十餘年備嘗艱苦七十一歲卒珣兄子

希仲娶婦許氏仲早卒氏年二十七足不踰闕終身

茹素年六十五卒希仲二子長應鉉次應鏞鉉亦歿

逝續娶童賢而貞事姑三十年鑿冥紙為活後出一

刀示子孫利方為園猶子先舒為作環刀贊卒年八

十三鏞娶孫氏游西粵客死無子家貧藜藿不給鏞

同祖弟鏞娶許氏賢事姑孝敬待其姒從母家迎孫

歸割居推食相依者五十年又有查氏毛鴻翰妻三

十而寡苦貞四十年世稱毛氏五節嗚呼可以風矣

王氏

顧雙橋繼室孝廉名俊之曾祖母年十九雙橋歿

守節七十八年卒仁和令汪若極聞其名願屏車

從一見壽母氏堅謝之卒

陳氏三節

高氏陳泰妻年二十二泰亡泰兄謙欲火泰

棺迫高他適高截髮自誓乃止孤三歲名宗

仁宗仁娶于卽舉子六歲而宗仁卒時卽年二十五

與姑高共撫之高年七十六卽年六十一同卒于嘉

靖二十四年後泰孫新娶妻許氏年二十三新亡

亦守節五十年卒年七十三世稱陳氏三節云

沈氏

孝廉燦女十八歸倪朱謨姑楊病焚香籲天割股

和羹食姑十八生子洙龍謨忽嘔血數升氏百計

營治不效死氏悲愴不欲生時年纔十九寡姑楊撫

慰之曰爾以死殉吾兒義也獨不念兒及吾乎乃不

敢言家貧饗殮不繼取給十指時歲奇荒作粥第食

其姑與子氏啜湯而已坐卧一小樓足不下樓者二

十餘年教洙龍以學果有成年四十

傅氏

朱珏妻珏以祖任為錦衣衛指揮使奉表京師客

死傅年纔二十有一會寇亂家破氏生一女亦散

失依其母家已母死依其戚吳氏通書史能詩巢破

卵亡志不少變有疾不肯治卒年四十有六氏禮部

主事巖之女明亡巖殉節死氏不愧其父云

國朝

蔡氏 李士鈐妻鈐病劇母翁氏憂鈐病不愈染心疾先
 歿姑及夫經營喪葬哀苦不勝越七日亦死不半月
 間隕其三人天之降凶何其酷也然母死于慈子死
 於孝婦死於節不與草木
 同腐何修短之足計哉

汪氏 孝廉楊天驕妻天驕字逸仲天才曠逸不治生產
 卒計聞汪擗踊一呼目皆盡血驕素善飲氏見酒輒
 悲不御酒醴者十年子度稍長使受業名師交當世
 賢士車騎過者氏倚屏聽之客去則品藻之皆不爽
 丁酉汪度副榜貢入太學偕子妻沈相依度日日午
 未炊漏殘猶
 織聞者憐之

沈氏 鄒廷試妻試與庠生馬麗同研席相砥礪為益友
 後以世事寢衰兩人裂冠散髮遊山林間鬱抑以
 死廷試無子而舅性嚴多獲譴惟
 於沈無違言歿時猶稱其婉順云

王氏 馬麗妻夫死有子僅二齡氏守節三十餘年足不
 及闕外而氏初依父父死依兄兄亦歿形影相弔
 熒熒孤露尤
 為貞苦云

邵氏 幼通經史嫻書算適王之輔相敬如賓輔卒邵年
 二十八欲殉夫死姑高慰之曰予老孫幼汝死我
 二人何依乎遂拮据菽水敬奉姑嫜課子讀書皆口
 授長子一麟為郡諸生以孝友聞次三人皆賢孝兄
 弟妯娌無間言姑亡常至姑墓攀木悲號灑淚着樹
 樹為之枯逾數年復茂鳩鵲巢其上人異之康熙十
 一年巡撫范承謨具題
 建坊祀主於表貞祠

姚氏 胡萬銳妻萬銳隱居以書史自娛氏幼通典籍每
 閱經史相難問為勝負閨闈之間相為師友其視
 名利泊如也萬銳卒氏教子具有法度勉之曰而父
 平生何如汝可不自愛乎子相率涕泣自責其訓諸
 孫亦然遂皆有聲譽序守節益勵樂善好施如是者
 四十年康熙十二年旌表後以子法遠職勅贈安人

沈氏 字端玉江世旦妻旦文昭公孫也病瘵死氏自縊者再姑慰止之氏性孤潔寡言笑夫亡益棄鉛華

好黃老家言常諷論不輟母以父仕將北上慮氏哀痛傷生誘之登舟密戒榜人使夜發天將明至石門

玉知號泣欲投水死不得已令買舟歸歲游饑姑性頗嚴玉脫簪珥衣飾佐以織紉得不饑後父母兄嫂

相繼客逝玉代經營窀穸封樹悲哀年四十卒守節二十有二年

車氏 朱志達妻年二十八達亡三子皆幼弱所居近州署比屋多掾吏尚華靡氏獨教子入社學明大義

以淡素聞長子昌明能自立有聲譽守節三十有二年

王氏 楊士毅繼室翁姑早逝士毅有兩幼弟王撫育之長為擇配二十八歲毅亡屏珠玉卻綺縠長齋繡

佛操作艱辛舅姑并毅前配三棺俱在淺土氏皆為之葬遺孤樹駿纔五齡課誦訓誠得有成立年五十卒撫院范承謨奏聞建坊湖上主附表貞祠

徐氏 楊許玉母也玉父歿負郭無田做廬不蔽與玉形影相依然天性嚴毅課誦讀以夜分為率冬寒擁

被篝燈帳中久之帳頂如墨戊子玉舉於鄉少得備甘旨以奉謁選得谷縣令以最遷太原郡丞徐年七十餘患怔忡得報涕泣陳情解組歸孫錫

頑官高郵州同能詩善文治河績最一時

滕氏孫氏 皆庠生翁常節室節歿滕絕食死未幾繼子駿業亦死孫與媳孫氏共守艱苦備嘗冰心

玉映人稱雙璧

袁氏 費彥甫妻年十六歸彥甫越一歲夫亡時當明末寇盜充斥氏流離百折矢死靡他撫姪而姪殤依

壻而壻天胞弟又幼弱親族無可倚者其嫡甥贈尙書徐翼隣雅重氏苦節迎養於家垂五十年年至七十有四而終撫憲張學憲靳彙題奉

旨旌表

姚氏 吳漢翀妻翀少好學受知於吳宮詹太冲初連舉三女謀置妾幸妾有娠漢翀歿數月復舉一女姚

撫之哭幾絕曰有子漢种不死今生女將奈何營塋龍泓雪深柳車不得行姚禱於天忽開霽一夕夢神語曰明年應謝世緣乃跪請曰氏死何憾但舅年老無子願假歲月以終舅年舅歿為立族子承其祧越一年神復入夢謂曰爾願遂矣詰朝無疾卒

沈氏 諸生金萬鈞妻年二十有二萬鈞卒上奉老姑下教幼子守節四十年有司旌其門曰節孝

張氏雙節 李氏張懋德妻年二十六德死姑沈在堂晨昏奉膳必極豐腆姑足痿李肩負出入者十年後姑手腕復廢氏挾七箸哺之與共臥起凡湧滌抑搔之役無不躬親又七年始卒其姒傳早歲孀居相依無間言里中謂張氏有兩共姜焉

陸氏 沈仁基妻少嫻內則通孝經年二十九仁基卒絕粒七日時子晉垣九歲泰垣七歲家貧出就外傅氏勗以大義晉垣讀書山房獲偷兒將執之氏曉晉垣曰此故家子弟困貧至此可釋之長齋事佛數十

年如一日衣垢敝至數十浣遇荒歲刺繡易米以供兩祖姑之膳年五十餘卒晉垣為名諸生以醫壽世
馮氏 吳興周妻興周客死於燕有老母一子甫七歲馮年二十七忍死以養母習女紅為朝夕供子崇文能遵母訓

曾氏 湯又新妻守節三十餘年治家整肅門以內稱婺婦者十有一人其皆聞氏風而興起人競賢之

徐氏 蔣佺妻初佺讀書紫陽山麓好篝燈夜誦日漸失明姻戚多姍笑之謂徐無授室理徐聞獨曰古人不以婦瞽棄成言吾敢以夫盲別醮乎誓死赴佺家甫二年佺卒弟陳氏賢且能徐欲讓陳主家政陳不從兩人淑慎相得如姊妹

唐氏 金志達妻年二十而寡守節撫孤家貧艱苦百狀父先舒家一子會

嚴氏 徐可大妻可大年十四首薦於邑為諸生十七而
憂之今不幸億而中命也新婦賢當為立嗣老人亦
得慰暮年嚴觸屏欲死其兄沉數勉止焉守節五十
餘年卒

余氏 翁志謨妻志謨從賈遠適數年不歸久之志謨死
子三人皆早世僅遺腹一人氏守志不移林學僉
環稱其堅忍過
人男子所難

徐氏雙節 王氏徐文遷妻十九適文遷二十八而文遷
卒孤甫三歲門戶零落王涕泣經營教孤成
立孤長名增英為娶婦李李賢明與增英相敬如賓
年二十三生子恒德而增英又卒李慟哭曰天乎願
假我四十年俾我得代夫育子以扶衰宗吾
願畢矣子恒德年四十卒人稱為雙節云

蔣氏 前癸丑進士沈必成妻年二十五必成以考選館
職卒於燕邸計閭乃毀容廢沐行不踰閭嗣子兆

璉撫育如已生恩勒備至守貞四十餘
年卒其妙吳氏事父母與姑共以孝聞

凌氏 諸生王德隆妻有至性事舅姑以孝聞舅克家崇
禎庚辰欽賜進士知直隸涑水縣以清介稱氏於

癸未八月一日執姑之喪十四日夫德隆卒卒之日
則其舅卒於官之日也遺孤止周歲又殤氏誓不食
以死殉勸之者曰而翁喪未歸兩喪又在堂夫人死
誰為主者乃勉一食涑水素清節桐棺柳窆纖悉無
所遺及喪歸逋負反累千百廢其產不足償氏涕泣
曰吾不忍吾翁在九原有負人名辛苦拮据必盡償
之乃已君子曰氏為名臣女孫為廉吏子婦而所遭
慘酷至此豈天道無知耶氏以二十九歲稱未亡人
守節三十
有四年

路氏 傅相妻相就姻於路結縭三日氏謂相曰子得婦
母失子矣忍以妾故離膝下耶於是夫婦偕歸拜
姑於堂親操井臼盡子婦職居不數年而相逝氏年
僅二十四衣衾殯葬靡不竭誠盡禮神形交瘁猶事

姑不倦子夢熊十六歲氏病轉劇謂子婦顧氏曰吾不能久存於世吾有姑在汝善事之向姑嗚咽涕泣而終年三十四歲

顧氏雙節

蔣氏毛氏娣姒也俱豐寧里人一適諸生顧儒英年十八儒英病死蔣方盛年生一子而

寡遂剪髮誓無二志茹苦食貧卒長養其子俾讀父書毛氏適儒英同胞弟奇英幼善病倉卒成婚毛侍湯藥未嘗暫離後十月夫死矢志不二家貧無嗣糊口女紅十指流血同室二人共相砥礪今蔣年七十有一毛年七十有二有司表其門

魯氏雙節

王氏貢生魯大僉繼室未三載而大僉死撫元配所生二子如已出家貧教其子以成立

守節四十七年七十五歲卒長子諸生希曾娶潘氏未一年而希曾死潘守志不移無子立從子登爲子登爲吏以勤慎稱守節六十五年八十四卒人稱爲魯氏雙節先是潘有妹三姑者守貞不字世稱三

姑而潘之志行與三姑同世又稱潘氏二難云

陸氏

庠生姚垣妻年二十一歸垣二十三而垣卒生子洙甫彌月計結褵者僅年餘甲申乙酉井里播遷

奉姑避居深村時氏父伯堦亦避他所消息不得通會姑卒拮据搢拄人稱爲孝舅元愷遠遊不歸每嘆曰安有爲人子婦而不及定省乎與伯堦計必迎歸乃已守節四十一年今六十四

楊氏

沈贊化妻年二十二贊化死僅一女氏撫棺慟曰君家承祧無主當侍君泉下耳欲死之隣媪勸止

氏朝齋暮鹽同其弟弘衍居足不踰閭衣不見裡俯鞠其女歸朱錫九守節三十餘年五十有四卒錫九爲合葬於八盤嶺之東康熙十二年旌表

茹氏

將軍王寅妻年二十一歸於寅崇禎十年流寇犯淮泗寅調守陵寢歿於盱眙茹時年二十五將媿

身聞計躡踊號哭胎應聲而墮則男也已復產一男蓋孿生云遺子法平二歲當授父蔭氏憾夫死王事

不使襲職家貧躬治米鹽以佐誦讀六十七卒康熙十七年浙撫陳秉直題請特命建坊祔主表貞祠

汪氏

張所修妻四歸修二十四而修得疾知不起以目視汪曰吾死汝何如汪泣即舉刃斷一指血淋漓以進曰以此指殉君地下脫有不虞當忍死教孤以成君志修乃瞑目逝事舅以孝聞教其子女皆有成立守節三十年卒

李士謀妻士謀死氏年二十四痛夫早亡事舅姑以孝姑病瘵力撫入歲幼叔幼姑纔週歲身乳之後姑與叔長大皆分已奩資使完嫁娶康熙庚申秋大火比隣皆灰燼氏號泣顛天即風反滅火已卯端陽又火燒數百家及李門而火熄先五日李夢關帝端坐前堂叱一絳袍者曰此節孝門也汝不得入絳袍者唯唯而退閱數日果驗人以爲節孝所感云

胡氏

陳氏楊之樾妻年四十而之樾卒氏守志訓其子及孫皆有成立年八十五而卒朱氏楊

之樾妻之樾疾朱爲禮斗以延其生跪拜促數兩膝爲枯年三十而寡至七十二而卒朱氏廩生楊喆之繼室喆娶朱三月而喆死朱毀容截髮誓以死殉康熙二十二年里人歷舉楊氏一門三節允旌表

楊氏三節

癸酉舉人沈昭遠妻歸昭遠三載而昭遠死遺幼九鼎躬自教育守節五十年今年七十有八

劉氏

何奇谷妻奇谷有惡疾潘結禱後竭力事之無怨言到股救姑病得愈奇谷死家貧無子潘立志守節大序有曰芣苢之詩以婦人見君子有惡疾能守而不去也若潘氏者其近之矣

潘氏

儒士胡士龍妻夙嫺詩禮克敦婦道姑疾醫藥罔效氏禱於天判股作羹進姑姑愈未幾士龍卒氏年尙未三十堅貞自矢教子成立康熙二十二年有司舉其苦節俟旌表

丁氏

徐氏適施繼山繼山得痿痺疾氏請以身代山卒時氏年止二十遺孤三人家貧誓不更嫁以針紉爲業三兒饑寒夜不能寐徐以身熨之而寢每瀝粥爲飯以飯飯子而自飲其潘後長子稍長

施氏三節 徐氏適施繼山繼山得痿痺疾氏請以身代山卒時氏年止二十遺孤三人家貧誓不更嫁以針紉爲業三兒饑寒夜不能寐徐以身熨之而寢每瀝粥爲飯以飯飯子而自飲其潘後長子稍長

施氏三節

列女節婦

列女節婦

以勞瘁病痢泣曰母恩至矣兒不幸死將告於冥司
 必得請還養吾母母子抱持而泣俱仆地徐恍忽見
 神女珠冠絳袍臨其家驚而醒子亦漸甦由是家漸
 給而攻苦食淡四十年如一日其次婦經氏年二十
 餘夫死守節綽有姑風孫元龍以名諸生早卒妻孫
 氏年二十有五稱未亡人今已三十載益苦節見之
 三世
 云

陶氏

會稽陶公望齡之兄子許字孝廉凌克開其舅死
 喪事旬日克開歸家廬於柩側三年之喪畢始行合
 昏禮姑哭舅喪明小姑幼叔鞠育服食咸賴長嫂克
 開有名於時領鄉薦再上公車以疾卒京邸氏為教
 其子躬操作持門戶歲丙午大火焰及姑廬氏哭曰
 姑盲無自出理苟姑不幸寧同死耳奔火所抱姑以
 出後姑年八十卒訣曰願世世為母子報婦恩也康
 熙二十二年士
 民以聞待旌獎

張氏

項毓頑妻夫覆舟死氏奔赴投江舟人救之得生
 守節撫孤始終如一俟子景脩婚畢遂決意絕食
 而死媳何氏夫喪亦能矢志茹
 齋縞素兩世貞節人交頌之

孫氏

孫之挺女幼承父訓習詩書端莊貞靜年十七適
 徐茂芳甫五載生子長齡僅六月而芳卒氏哀痛
 幾絕偕其姊趙氏艱苦撫孤
 多歷年所前郡守丁旌其門

陳氏

陳堯道女年十四母病顛天割股以救母尋愈年
 十八適段起鴻
 國初乙酉起鴻以叅謀隨大軍征閩死王事陳時年二十
 九聞之自縊者數家人救之得甦遂布服長齋守志
 終身教子孫以義方卒
 年六十四子端州同知

張氏

年十五適孫五郎憶峯生三女夫亡無子脫簪珥
 為塋費塋之日族人私語曰五郎既塋此阡長與
 新婦生死辭矣婦尚少豈復能斂衽墓門耶張聞之
 即廬墓不去長女歸舍人張文禮迎氏養之始入城

上其事於漕使者旌其閭曰誓墓完
貞年七十六而歿卒與五郎合葬云

姜氏

處士宗股女婉變有志操適鄭生源鄭好神佛祀
純陽為師與姜憲副苗南金臬長鎮微時稱呂門
三子有集行於世源以負奇死氏苦節貞守所
居近市樓居凡三十年至親罕有識其面者

陸氏

陳博學妻博學卒氏年二十餘上事舅姑下撫二
子廷錚廷鈺紡績夜課艱苦備嘗子亡復撫諸孫
相繼有名
年八十卒

陸氏

太學陸燾女生而端慧讀書通大義十七歸嚴渤
渤少稱奇童歲乙酉避亂禹航山中感疾遽隕遺
腹子曾相伶仃孤苦氏事舅姑孝謹一如渤之事父
母訓孤嚴雖句讀必親自口授寒暑不輟其姒王徐
相繼歿多遺子女氏撫若
已出凡苦節三十四年

陸氏

名善虛沈循繼室循官工部員外署福建按察使
時宦遊南北氏獨奉姑以居得姑歡循歿側室鄒

遺一子氏訓鞠之如已子循清白吏時時舉債身後
又多家難氏荼苦備嘗隱忍以保諸孤人更難之

金氏

喬國泰妻幼秉志操年十九歸泰泰患羸疾金刺
臂血為疏顛天病遂愈後泰以暴疾死氏號慟欲
以身殉姑諭之曰死與立孤孰難吾老矣汝勉為其
難者氏時年二十九屏膏沐勤紡績上奉老姑下撫
幼子備嘗荼苦姑病卧床蓐者垂二十年金扶掖不
離左右侍湯藥惟謹姑歿喪葬盡禮教子具能成立
今八十有六矣
守節五十七年

楊氏

孫學敏妻氏故望族明萬曆丙戌進士應時女孫
年二十三而學敏卒事舅姑以孝聞有疾嘗割股
以進而愈教子逢吉有
聲庠序康熙九年旌表

王氏

汪知元妻知元新安人以業鹺家於杭知元早亡
氏年二十五歲事舅姑以孝聞教二子必遠德秀
俱成立有聲於庠卒年五十三歲○王邵氏楊王氏
孫楊氏汪王氏皆巡撫范承謨奏旌四姓共建一坊

於西湖
表貞祠

王氏

高待聘妻十八于歸年二十二而夫死時長子甫一歲有遺腹孤氏幼通經史躬自教督俱成名士性方嚴知大禮不苟言笑隣火及其室但攜二子及木主以行他弗顧也次日有以高氏物為人誤取告者扁鎖宛然封題如故却而不視曰物固有相類者長似性福急能下之遂相敬愛每語二子曰高氏子姓以祖宗視之俱一氣也汝曹慎毋忘順治十五年巡按王元曦旌獎

徐氏

姜士鑑妻年二十六而士鑑死氏矢志守貞撫育四孤成立事姑克盡婦道年今七十二歲長孫弘緒知直隸藁城縣事諸俱入邑庠縣令旌其門

尚氏

許鼎昌妻事舅姑以孝聞姑死長號一慟而絕康熙十五年有司旌其門
張氏 沈杰妾杰卒氏年二十有九家貧父母欲奪之不可有豪強委禽氏嚙指出血斷髮自誓日夜工織

作以事其嫡嫡有疾割股以進杰柩未殯氏百計營葬教兩孤成人年六十有六卒

俞氏

楊蓮原妻女年十八適蓮蓮昆弟俱有聲巽序銳意進取蓮患瘵疾氏方產女未三日遽起視湯藥蓮竟不起氏椎心絕粒勸慰百方弗聽暮夜乘間投於井井窄不可下如有神扶掖之者舅姑驚且論之曰爾不可死爾嗣未立爾女無依是真死爾夫也氏遵命守節繼姪菟臣為嗣慶事舅姑與孤女勤十指自給後室遭回祿囊篋益空子媳孤孫相繼殞歿熒熒嫠婦守空幃者五十餘年各憲題請旌表

馮氏

周羽侯妻武康人十八歸周辛勤旨蓄上事其兩世舅姑咸稱孝婦未五載羽歿遺孤大昌甫八十田念宗祧一綫垂白在堂不敢就死因含淚搯持殯塋祭祀黽勉有無大昌幼善病百計鞠育鬻釵珥以佐脩脯篝燈課讀每漏下十餘刻方就寢大昌承志淬勵補博士弟子員今年已六十苦節者三十九載當事屢旌獎其門

雙節李氏于氏

李氏錢彪妻申結褵適屆滄桑舅士璋挈屬逃避山谷田廬蕩燼彪罹疾遽

歿李茹荼集蓼撫諸藐孤備歷艱苦年八十卒于氏錢俸妻忠肅公孫歸俸時恒耿逆猖獗氏父以從征

入閩死俸以婿奔喪感疾卒于號慟屢絕誓不願生適母喪踵至遂毀瘠殉身彪與俸兄弟也人稱一門

雙節

張氏

蕪湖令楊志明繼室志明本暨陽人筮仕有聲卒於官時張年十八遺孤啟辰甫五月氏念楊氏宗

祧含哀教養俾得成立後啟辰應除州倅以親老不願仕寓居錢塘媳王氏亦早寡相舟共誓孝姑鞠子

盡瘁三十年張年八十八歲王亦七十相繼壽終諸孫林立勿墮先業人謂節孝所至云

吳氏

謝懋俊妻二十一歲俊卒遺孤重綸纔五月耳伯氏欲奪氏志終不許事翁姑盡孝始終不懈有弟

貧困完其婚姻戚里相告者必周卹之性勤儉蔬布終身祭享必誠敬貞操五十載七十歲卒學院顏

題請建坊子重綸以孝子稱崇祀旌德祠亦顏所並題也

許氏

王英妻年二十二英歿長子宗方呱呱泣次子容孕而未育也家無甌石雪幃霜燈以教育其二子

督課嚴切相繼為名諸生年八十二歲卒丸熊畫荻之教當此所傳頌焉

李氏

包紹穀妻年十九適紹穀二十九而夫亡四壁蕭然棺衾莫辦氏盡變奩飾以經庀喪塋藐孤程濤

纔四歲耳晝夜操作佐衣食寒暑勿敢辭瘁足不下樓者二十年子幼且善病九歲時忽嬰危疾不食凡

九日氏呼天泣曰我所以未從良人於地下者徒以延此一綫也苟孤不育何以生為百計療治得愈力

不能就外傳晨夕口自課誦稍見有怠色輒以手掩卷涕淚垂訓用是感發涕厲蜚聲響序辛卯舉鄉薦

乃懸影於庭舉酒奠告曰我乃今庶不負我夫子乎會

恩詔下里黨欲為呈

請氏堅辭乃止

沈氏 庠生成之泓繼室性賢淑十九歸成撫前子女以

教三子俱成立脫簪珥以延名師篝燈夜課絡緯與

書聲相聞苦節二十五年而卒方伯郎廉得其實

徐氏 梁欲濟妻十九歲于歸奉養翁姑闔里稱孝年二

十八夫亡子永錫方五歲恩勤教育針指佐讀拮

据婚娶獨歷艱辛乃永錫又蚤卒孤孫畿亦止九歲

洪氏 吾丘瑛妻夫亡時遺孤止四歲翁姑年皆八旬氏

餘乃兩遭隣火家計益困饘粥三餐幾不能繼零紈

斷線十指血痕猶淋漓在日也守節四十餘年七十

沈氏 聞人瑜妻明進士沈捷之女孫年十七歸瑜瑜病

十四視殮哭勸幾絕舅諭之曰死與立孤孰重且吾

兩老人在汝死更誰倚遂強起任事時長子五齡幼

子甫三月耳家素貧日用之需悉出針紉值歲凶舅

三節凌王鮑 凌氏江榮舉妻年二十六榮舉卒氏以翁

無出立叔之子為嗣從襁褓撫育成入織紉佐讀後

拮据娶婦乃復天亡媳王氏亦矢志栢舟姑婦相依

凌卒年八十有九督學題請旌表奉

旨建坊其娣鮑年十九歸江鰲鰲卒一痛幾絕子承甲方

一週三女俱幼氏隻手搯持凡生養死葬女嫁男婚

尤氏

沈學顏妻臨穎令沈近思之曾祖母十九歸學顏四歲而寡無子立時吉為嗣娶婦俞氏尤性嚴毅家法肅然課督紡織不夜分不休亡何子婦相繼卒遺孤大震才十三尤內撫孤孫外禦強侮兄某素暴橫以孱弱可噉利其土田值秋熟將率眾取禾尤知之密以叢針倒插髻內踊而號於田曰欲絕吾母孫命耶兄怒直前捽其髮針盡刺掌中遂負痛走又欲構訟尤被衰服挈孤孫將訴於官事得寢於苦節中兼饒才畧今沈氏之遺孤薄田敝廬不絕如綫皆氏健持門戶之力也孫女二皆篤教愛其次適俞亦早寡並矢堅貞蓋本之母教也五十五卒曾孫近思舉庚辰進士授臨穎知縣李中丞基和詠其事曰誰脩兩浙志又著五杭村五杭村者沈氏所世居也鄭學使開極會給水節完天四字旌之

高氏

吳果妻明相國文端公元孫女生而靜慧喜讀書年十八歸果為繼室事姑最孝姑寢疾氏衣不解帶者數月拂拭牀褥澣濯厠踰無倦色姑臨終抱氏泣謝曰願來生為汝媳婦以報汝德果卒氏年二十

六號泣闔戶自經家人驚救得生坐臥一樓姻戚罕識其面一婢傳送飲食而已立姪為嗣苦節二十七年

胡氏

朱琦妻琦亡截髮置棺中曰妾不即死者腹有遺孤也及生子維城訓有成立太史陳邦彥為立傳

翁氏

潘開暘妻年二十一歸潘二十八歲夫歿無嗣遺姑在堂家業凋耗氏曲盡孝養姑病即卒醫藥喪葬百計補苴克代子職後守節母家終身茹素苦節有四十載年七十學使錫之匾額曰節孝堪型

沈氏

吳維翰妻氏二十六維翰卒事垂暮之翁姑撫穉弱之子女殘機荒杵屢勉持家守志二十六年有司題請旌表詳載省郡兩志

何氏

顧曾儀妻二十一歲歸顧時姑已亡事翁能盡禮曾儀屢試不售輒廢書而嘆氏苦口勸勉曰有志自成君母墮前人業曾儀攻苦益進竟嘔血數斗卒遺孤八歲氏乃躬自操作以濟饑寒事翁益謹克代子職翁歿喪備禮合葬姑慕蘋蘩筐篚必敬必戒苦節五十餘年邑令全大顏旌其廬曰節孝雙全

吳氏

汪廷樞妻廷樞素患疴怯不勝煩劇氏悉任之外
事病舅內事繼姑參苓甘脆不遺餘力廷樞病日
劇焚香茹素祈天請代夫亡守志不預宴會不近師
巫律身嚴謹夫亡未逾月長子復殤次子啟熹孱弱
多病保護訓誨竟得成立洊歷翁姑大
故喪葬周詳祭祀豐潔戚里稱仁孝焉

季氏

李毓連妻年二十一夫亡守志奉舅姑撫孤穉終
身勞瘁苦節四十三年隣里敬仰合詞呈請題旌

詔建坊奉

蘇氏

寶尚璉妻年十六歸寶結褵後閱十七月尚璉病
卒氏矢志栢舟冰霜自勵幸家計足自給氏奉事
高堂雞鳴盥漱一遵古禮養生送死視子在無異人
無間言制臺劉以節孝世儀匾額旌之暮年無倚孤
苦尤甚然貧乏自甘不肯以絲粟累
及姻戚闔里咸加欽敬年七十四卒

三節朱李林

朱氏武孟蔭妻知書曉大義二十五歲夫
亡志堅金石每檢孟蔭遺文輒灑淚以勵

後人臨歿神明清朗守節二十四年李氏武闕義妻

十六歸武明未寇盜充斥關義客死氏挈幼子奔喪

備歷艱險一廬棲泊十指搢撐絕無怨悔訓誨子孫

皆見成立守節四十六年林氏武光祖妻年二十三

夫亡貞心苦志事孀姑以孝謹稱守節三十六年一

門三孀交勵名義靡他之節臧僕俱為感化督學靳

題請

旌表

俞氏

沈起龍妻起龍儒而貧賚志早歿俞年二十八戚
族將奪其志俞誓死不從歷盡艱苦嘗割股愈母
危疾事姑嚴以孝聞姑壽九十衰疾劇甚俞復割股
姑終不起然俞竟以血枯成疾迄十年而歿稱未亡
者三十五載遺孤亦夭
歿苦節異孝尤足憫云

三節章陳張

章氏吳農復妻宮詹太冲子婦都諫正宸
女也十五歸郡庠生農復三十稱未亡人
訓子義方一燈課讀守節四十五年七十五歲卒陳
氏庠生吳容妻容為徵士農祥冢子善屬文早卒氏

年二十九遺孤八歲勗之成立後孤又卒復遺兩孤
 孫氏撫摩鞠育守節三十三年張氏國子生吳爽繼
 室未踰年而爽歿氏年止十八貞操自矢撫前孤若
 已出機寒燈燼形影相依者歷今已三十年女貞婦
 德出於一門
 應俟旌表

高氏

儒生章一桂繼室明相國高儀曾孫女章先娶羅
 氏生一子士斐甫八歲一女四歲高事姑至孝撫
 子女如所生初歸時年二十有一纔十閱月而夫亡
 遺命撫育子女不敢以身殉每哭哀幾絕者數家故
 貧饘粥不給則勤十指為女紅雖祁寒酷暑裂膚揮
 汗未嘗少息日夕課子以承夫志姑病亟高左右湯
 藥晝夜撫摩姑且瞑泣下曰婦惇獨艱辛而孝事我
 如此願來生為而婦以報而德高亦泣數行下獨備
 喪具嘗短衣出汲甚則三旬九食或餉以餅餌高以
 三與女而以七與子士斐闕母未嘗食遂不能下咽
 欲往投河死高急馳救之母子相持而泣士斐九歲
 善屬文博通經史二十三食餼饗序然家益貧高潛

自欣慰食貧作苦如故也士斐三子戡功撫功藻功
 出就傅矣高朝夕誨曰爾父孤苦若此猶奮志讀書
 克自樹立今而兄弟無苦衣食乃勿自策勵耶言與
 淚俱下士斐屢躡名場僅以明經老先高歿高時年
 七十四尚呼兒不已又二年卒明未邑令魏士
 章題青年苦節督學許懈題淑善孤貞額贈焉

汪氏

贈中憲大夫汪汝謙女太學生吳望中妻也生而
 貞靜動嫻內則歸吳事舅姑以孝聞望中游學四
 方竟以客死氏聞計慟絕久乃甦撫呱呱幼子璆行
 以恃兼怙俾其成立茹荼飲蘖備極人所不堪已而
 璆行又死復撫兩孫長大授之室喟然曰而今而後
 未亡人畢乃事矣享壽八十計守節者五十有三年
 氏少承父訓能詩文自望中死悉焚毀筆硯
 及所為著作不留隻字故世罕有知之者

章氏

俞德輿妻明經章士斐女年二十五而寡生一子
 大年纔三歲德輿兄弟五人先後俱歿翁老且病
 盡鬻其產以殯五子大年單衣複襦皆從章十指間
 出翁病且亟命其孤孫曰而母苦節近三十年矣異

時汝舅氏有顯名當世者乞為爾母題請旌表以報母德餘屋數椽又燬於火寄居舅氏者數年章日提攜大年訓之勤學大年亦克自勵章年至七十尙朝夕勤織作云

馬氏

諸生馬遠平女儒士汪岳蘊妻也年二十一歸汪甫兩載岳蘊病且劇氏和糜煮藥經月不息及其死也絕粒旬日慟哭不肯生已而轉念曰有身五月敢以鴻毛一死以絕夫嗣第慮男女未卜乃繼猶子紹武為之子後生紹良氏撫育兩子如同胞者然晝夜丸熊得古賢母遺意教諸孫皆成名士年六十壽終康熙三十五年巡撫線督學顏彙題請旌奉

旨建坊

程氏

劉廷獻繼室廷獻順治壬辰進士官戶部郎中年五十未有子程為置副室惠氏舉一子曾獲已而程亦生子繹甫三歲廷獻歿程年纔二十七內有強宗外戚多覬覦而繹方患痘危甚其惠所生子又病瘵程懼不能保因盡出簪珥衣飾於庭人人分給之外所經營悉置勿問孤燈帷雪提二子於弱齡不可

知之中與惠相共守未幾惠亦亡程哭之慟慮一人不能兼撫二子乃更以曾獲屬鄭氏子之而惠所遺悉以付鄭曰俟兒長與之可也及繹兄弟既長教之讀書以承先緒持身正家四十餘年無異卒年六十七有

閔氏

吳欽相妻年二十二歸吳克嫻婦職菽水承歡未二載而欽相病遂不起氏誓死守節率以針黹佐米薪費酒漿膳鱸曲求所以順舅姑意又念繼嗣當立擇長擇賢為繩武計於是先立鵬後復立鴻咸承母教勿替家聲苦節三十年各憲題旌奉

詔給建坊銀三十兩

鍾氏

拔貢生姚廷益妻廷益力學能文與脩浙江通志喜交遊詩文讌會率無虛日氏內治井井稱賢佐未幾廷益卒鍾年甫二十六健持家政庭戶肅然輿臺臧獲非奉呼不敢履中門奉其舅甚謹凡箴紉脩隨佩悅蒞蘭之屬無不曲順其心舅嘆曰吾子在事我不過如此撫遺孤宗樞養與教兼延師及友必盡

誠敬日以讀書砥行相勗終身不爭膏沐不妄言笑
四十年中賢婦慈母兩無憾矣子宗樞亦有文名諸
孫皆遵教成立

余氏

會稽人年十五適錢唐民陳大經甫一載大經估
於粵患病氏聞信即齋沐禱天願以身代經卒客
死氏號呼絕粒曰吾且無子何以生為舅姑聞之曰
汝無子汝不有舅姑耶百方慰諭遂厲志守節立經
弟之子為嗣家又貧無所得奉養資乃鬻箴紉給甘
脆訓子學良舉戊子鄉試官松江同知反輿迎氏不
往老不廢織紉健持門戶喪葬祭祀莫不中禮稱未
亡人者四十餘年各憲表其事上聞奉

旨建坊

金氏

江西廬陵縣丞張裕善妻年十八歸張生二女裕
善留金氏奉其翁姑而之任得瘵疾金聞急買舟
往視疾裕善竟不起金扶棺歸里時年二十有四已
而翁姑皆歿金持喪如禮營葬翁姑將以其夫附焉

而裕善之庶母弟不欲葬其兄遷延至今與其翁姑
尚在淺土金哭泣哀號於心終不忘應繼者亦為叔
所阻金不得已依其婿以終老苦節近四十年鄉黨
鄰里請於有司奉

旨旌表

趙氏

朱穎蕃妻年十九來歸生二子穎蕃以篤學成疾
卒趙年二十有七夫亡家貧親老子幼隱忍哀泣
曰死不難處死為難今夫事皆妾事吾何敢死霜燈
雪帷晝夜勤操作雖身受饑寒而堂上之養無少缺
舅姑即世殯殮窀穸之事竭蹶以圖益刻勵以訓其
子每夜分不寐目腫手裂猶勤女紅以佐讀者垂三
十年後二子亦能自立以養母趙始慰意曰吾
今日可以報而父於地下矣卒年六十有一

何氏

翁遵厚妻年十九歸翁家貧甚旨蓄之備惟藉女
紅二十七遵厚卒一慟暈絕不欲生防護多時得
免先是遵厚自知不起執氏手曰余累汝可早別圖
氏即以死誓冰霜之節歷數十年戚黨欲請題旌氏

堅却之今年已八十

三節宋梁沈

宋氏金城妻于歸未幾城即病瘵歿時觸棺誓死父婉諭方止持家勤儉瘠瘁終身

姊梁氏金培妻城從弟也梁與宋妯娌最相善培亦歿冰霜節操彼此交勵有成宋撫姪錦為子梁亦以姪祖望嗣俱以母教成立苦節三十餘年後姪金璐亦早卒沈氏亦以苦節稱方伯徐公旌其廬曰三貞

江氏

生員許鼎文妻夫歿絕粒三日父諭以遺腹宜保夫嗣乃強食育子成人離院顯表其閭曰守義垂慈

潘氏

文學戴原育繼室生二子年三十原育病劇氏剖兩臂肉投藥鑄終不效念諸子未成立不敢以死

殉撫前子如已出教育二子慈母而兼嚴師健持家政苦節歷五十餘年長孫一鴻登辛卯北闈賢書諸孫暨曾孫俱能文力學今八十餘猶神明清朗足稱闔閭云

汪氏

張宗儒妻年十九適宗儒于歸三日即荆布周旋井日勉夫子以力學謂宗儒曰脫堂上甘旨缺幸

我箴紉可辨無分汝心也漏三下刀尺與書聲相和

宗儒以嗜學成疾參苓莫效呼搶動天欲取刃自裁

舅姑力為勸慰姑唐復激氏曰汝子甫五月設汝死

吾兩人將誰依不如先死汝前奪刀亦欲盡氏方驚

起以事親撫姑為已任始常寢疾善怒惟氏在側即

歡顏時翁就髦尤曲盡孝養異糧宿肉勿貽遲暮憂

撫一子成立時泣誠曰汝身孤危讀書砥行功宜百

倍延醫結友皆淋漓血指所辨子芬入泮蜚聲藝苑

李氏

章麟士妻年十二母病刲股和羹以療十七適麟士事舅姑以孝相夫子以禮麟士績學成疾卒氏

年二十五哀毀不欲生無子嗣伯之子開緒愛如已

出鍼鏤佐讀與其成立乃開緒又未婚而卒聘媳吳

氏徵士農祥女孫也聞計即悲痛辭父曰章氏既得

請於父矣姑年老誰任其職兒往矣願大人勿為意

過門謁姑抱持慟哭撫棺盡哀姑媳依依

有同志焉李今年逾六十守節垂四十年

李氏

馬必科繼室幼嫻禮訓必科素敦宗族樂善好施李實贊成之適馬五年夫歿益凜冰操屢遭回祿

四壁蕭然甘貧守節歷七十餘載壽至九十五歲而終康熙十七年藩司李士楨給額曰清節可風長子之驍先卒次道周暨長孫履端履泰履晉輩克盡孝養迄今俱馳名譽序人咸以為李之德報云

嚴氏

李茂芳妻結褵未久茂芳歿矢志守貞止生一女氏念宗祀將絕鬻釵鐳勸翁納妾生子廷相氏事翁姑曲盡孝謹為廷相延師擇配悉出奩資罔分彼此後被回祿歸棲母家一生克持大體言動不苟年六十五無疾而終

余氏

蔡岑妻歸岑生子鑑早亡又生子銓而岑病將亟指銓謂余曰蔡氏兩世單傳唯此子在爾善撫之言訖遂瞑余慟絕更甦者再已而悔曰蔡氏不可絕也乃飲泣自守銓甫三歲余年二十有九內無強宗外無幹僕霜燈雪帷有今無儲氏以禮自防拒族人之寄宿擇嚴師以教子馬公達者岑友也銓將就外傳余屬諸馬而誨之曰兒早孤不識父今服馬先生教如聞爾父訓矣言畢泣下歲大禩斗米數百錢母

子無所得食日進勺水以待死公達知之喟然曰賢哉母也分米餉之為糜飲得不死於是銓長跪母前痛自刻責啜菽飲水曲意以博母歡益苦節四十四年而卒卒之日鄰人皆曰非獨余氏賢蔡銓亦孝子也孫媳吳氏昏九月而夫宗偉病亡亦克守義云

吳氏

劉兆選妻年二十六夫亡遺孤錫方歲遇老姑已七旬家業蕭然惟賴女工粗給衣食貞操苦節垂二十七載

例合旌獎

吳氏

王國楨妻年十八適國楨機杼佐讀有梁孟家風二十五歲國楨卒氏絕粒投繯願從良人於地下翁姑苦勸得不死戢影深閨早夜操作雖至戚罕聞聲觀面者以嫠婦而代子職歲時餼羞維謹備翁姑謝世遇春秋祭祀必哀號隕涕至四十二歲應繼子蔭華始生氏即敬告宗黨立嗣承祧織屨縫裳給其膏火勉之讀書卒使蔭華有聲鬻序皆慈訓所致也苦節計四十七年零統斷縷中淚點血痕猶浪浪

未泯里黨請題旌氏力却之年七十一無疾而終

許氏

于濟淳妻年二十歸淳淳家貧欲廢舉子業氏敦勸讀書不恡變奩飾以佐薪水二十五歲淳卒上

有垂白之翁姑下有襁褓之二子伶仃孤苦全賴氏紡績以安全老幼冰操益勵荼苦終身年八十三歲卒糧道劉旌其門曰節茂松筠

吳氏

朱南絃妻年十五于歸唱隨甫五載即稱未亡人則甘脆無缺立姪為嗣教育一如已出孀姑年髦失明朝夕起居尤能曲體其意年五十而歿歿時猶以不獲終事孀姑為不瞑目族黨稱節孝焉

吳氏

戴永崑妻永崑以力學遘疾卒氏觸棺流血不願獨生翁姑諭止之苦節三十五年不輕出戶庭不延見姻戚姑張患風症氏謹治湯藥晨夕不離三年如一日喪葬備禮人無間言撫子女皆成立中丞王

督學吳汪皆旌其閭

姚氏

又度女吳霄妻七齡母病侍奉湯藥親黨俱以孝稱年十七歸霄篝燈佐讀克稱婦順二十六歲夫

死慟欲殉身父母勉以大義曰上則三喪未舉下則藐孤在抱忍委而去之耶氏飲泣含悲經庀殯葬周詳誠敬遺孤又痘殤繼姪為嗣恩勤無異視有司題請旌表奉

旨依議年七十
三歲卒

吳氏

嚴曾采妻年十八歸曾采曾采幼善讀書隨父任入太學選授新昌縣學教諭未任而卒吳年二十八而寡茹水劬瘁至六十而歿吳父鑛以進士仕廣西平樂府推官而曾采父沆仕至戶部侍郎兩家皆世宦吳為新婦時粧送貲財甚盛而處家以儉約聞堂上無姑奉叔母陸為姑事祖姑江太夫人唯謹曾采先其父歿遺孤子煌煜恨皆幼及司農卿歿家無餘財至伯叔析產時吳獨取所藏書一檢五經二十

一史手授諸子曰而祖為廉吏無長物吾所以取此者欲汝等盡讀是書知立身大義不媿清白吏子孫也已而家燬於火益貧甚何有亡皆出吳黽勉而然與娘得專意讀書成名士其長子煌即世吳又育其孤孫望甫入學復不幸無祿於是吳慟不欲生顧已不能生因病卒卒之頃遺命炳等必告而父友章撫功為誌吾墓毋忘吾艱苦目遂瞑康熙四十九年炳與娘同學生以狀申有司表其節行奉旨旌獎云

趙氏

計功妻歸計止三載夫亡氏年方二十一堅貞自矢之死靡他事兩代翁姑咸得歡心曰幸哉得此孝婦遺孤在抱教育維艱雪皎霜清歷三十餘年有

旨給銀三十兩自行建坊

附祀女貞祠見郡志

方氏

諸生嚴啟燾妻廟見後悉歸孝廉服御親操井曰燾不幸賁志早卒時氏年止二十有一茹茶飲藥

誓賦栢舟事翁姑以孝稱先後喪葬盡敬盡哀撫遺孤堂飲食教誨脫簪珥以佐讀俾得貢入成均一生惟安儉約不貪富厚今氏古稀而外稱未亡人者五十餘年猶康莊健飯紡績不怠謂之貞壽不亦宜乎

沈氏

周奭妻奭係前通政司周詩曾孫也氏年二十歸周未一載夫卒門戶蕭然藉箴紉為饗餐計奉侍

孀姑四十餘年孝養無怠色人以為難督學斲以矢志靡他四字表其門閭

吳氏

金之翰妻之翰早歿不克終母養氏年二十八家極貧無後矢志守節奉姑繼甥吳兆宗為後教成令名兆宗復夭歿有詩古文各一集傳世氏又撫孤孫十年卒壽七十有一苦節四十四載鄉黨戚族稱其孝慈太常孫勳著金節婦傳云

金氏

楊德宏妻年十六適德宏結褵方一載母喪未畢繼以姑喪哀痛倍至幾不欲生綜理家務一切能持大體內外稱善德宏偶患時疾即不起氏眩仆復甦因泣語姻戚曰夫死余豈忍獨生况無子可撫自

應相從地下遂勺飲不入四日家人終不能強七日
聞舉夫喪日願與同穴晝夜哀號不已距德宏之歿
十二日而卒歛時顏色如生司道題
請旌表巡撫張贈節烈維風匾額

沈氏 胡宗稠妻年十七歸胡九載而宗稠客死氏號痛
奔喪擬蹈水以殉繼念姑年髦勉事食息勤蠶桑
自給朝夕夫乏嗣撫繼子如子姑亡
哭奠盡禮宗黨賢之苦節垂五十年

陳氏 夏時升妻贈雲南開化府知府陳聖書女年二十
歸時升相其夫以勤學時升竟以苦志卒氏年二
十有七生子綸及女皆幼霜燈雪帷晝夜織作待孤
長成訓誡嚴切有敬姜風事舅姑以孝處娣姒以和
家政獨持中外雍肅子綸有文名善承母志譽重士
林學使顏彙題奉
旨旌獎後學使宋表其
門曰霜閨懿範云

吳氏 胡爾橙妻年二十九夫亡子二次生未彌月氏食
貧紡績以課子門祚益衰以父僑居寧海氏往依
焉年六十八卒先是次子以溺死明年氏
亡長子亦繼死藐孤一孫亦遭家不造矣

印氏 庠生陸三謨妻少有淑德性至孝母病危篤衣不
解帶早夜默禱願以身代及笄歸陸克盡婦道年
二十一夫卒誓不飲生復念姑嫜在堂婦職宜兼子
職家素貧翁姑相繼歿鬻簪珥以供喪葬有子二俱
在齟齬瘡痺教子成家至
今箕裘勿替年五十七卒

楊氏 王元佐妻孝事舅姑律身
恭儉元佐卒守節三十年
趙氏 張昌裔妻年十七歸張甫二載夫病氏割股為糜
以進及歿百計以身殉姑哭慟曰汝方有娠獨不
思繼夫嗣耶後遺腹一女慟哭幾絕瀕於死者數左
右力勸撫姪履中為子鞠育教誨逾於所生甘淡泊
勤紡績冰霜荼苦者數
十年督學宋旌其閭

吳氏 趙琦妻仁邑諸生吳國梓女也幼嫻內則習女紅
莊重寡言笑于歸八載妯娌雍睦內外無間言年

二十七夫卒無子欲以身殉已而慨然曰吾敢以夫為若敖鬼乎立姪為後以教以育俾於成人姑疾急吳封股顛天血淚沾浹床褥間姑疾以

俞氏

錢塘諸生陸泓妻年十六歸泓荊釵裙布有孟德耀之風結褵十載而寡事姑以孝訓子以嚴苦節

完貞六十餘年間黨稱節壽者以俞為最

陳氏

徐寶妻年十八歸徐二十九而寡夫亡後家計日困兩子皆幼齡鞠育教誨慈嚴並至日勤紡績以

供朝夕苦節三十餘年事舅姑以孝待臧獲以仁內外肅然事皆井井訓諸孫亦如教子之法鄉里稱賢

母三十八年督學張公旌其門曰青鸞孤潔郡司馬陳公復贈額曰松筠交茂卒年六十有六

陳氏

盧程京妻年十七歸程京京於順治二年授新會令隨征廣東遂歿於王事氏年纔二十四拊膺泣

血幾不欲生顧二子尚在孩提宗祀所屬勉進飲食教育二子慈嚴並至盧氏咸稱有後茹荼飲藥辛苦

備嘗養生送死條理井井苦節三十年五十四卒

黃氏

鮑望錫妻十六歸鮑五載而寡遺孤光朗尚幼氏哭之慟既絕復蘇慨然曰死節易立孤難乃強自

解免家徒四壁其祖姑汪姑許亦俱寡氏惟針紉紡織易米薪以奉三世一堂相依冰蘖交勵時有三世

孤芳一門篤孝之譽苦節四十餘年有司題請旌表

勞氏秦氏

勞為明廣德州守趙景和妻秦則其妾也景和治廣德有政聲值馬士英亂兵沿途殺掠

過州景和不納士英怒縱火攻城遂遇害勞欲舉刃自剄庶姑朱以藐孤當撫止之崎嶇戎馬間扶櫬歸

杭荼苦備至教子蒼壁有成官御史秦聞景和被殺密縫衣紉慨然曰臣死國妾死主分也升樓躍入簪

井死州民起殮之顏色如生君子謂勞也趙氏嬰秦也趙氏曰非虛語云

劉氏

姚廷誥妻孝廉劉和女年二十歸姚事孀姑陳極孝謹姑病氏將產猶日夕進湯藥不稍倦姑卒佐

夫喪葬盡禮家漸貧廷誥垂歿深為身後慮悲咽不語氏欲剖腹明誠葬夫畢自縊者再後撫兒泣曰我之苟延旦夕者徒以有汝耳隣婦有勸其易志者即謝絕終身不見教孤成立門庭肅然遇匱乏時非門內周恤不受守節三十載鄉黨稱節孝焉

程氏 吳德同妻年二十而寡節孝兼著七十五歲卒

沈氏 余德厚妻年二十歸余二十九歲夫亡孝事孀姑教二子成立年七十餘卒毛檢討奇齡有傳

錢氏 李庭妻家甚貧女紅為活事

沈氏 王懋名妻苦節貞操食貧課子年六十餘卒王益朋有傳

周氏 張世燾妻割股療夫堅貞自矢事親盡職教子有成學使彭特旌其門

黃氏 周攀桂妻年二十九攀桂死氏即痛絕不欲生已念舅姑在堂恐重傷其心於是稱未亡人斷葷茹

素以潔其操氏因無子嘗禱於家廟曰幸祖宗有靈吾叔多子即吾子矣吾不忍吾夫之竟無後也後十年叔舉子德煥即立以為嗣提攜襁抱逾於已生長復九熊畫荻俾之成立康熙四十二年邑令王毓美給額曰勤節凌霜云

戴氏 王起泮妻夫亡誓志守節歷三十年

陳氏 吳弘謨繼室年十六歸吳十九歲夫亡屏絕芬華茹齋編素遺孤四齡復患痘殤氏請於翁立叔子之駒為嗣恩勤顧復甚於已出并撫元配錢所生女俾皆成立夫亡日舅已垂暮曲意孝養歿後置翁姑生像并夫像於一室焚香設供追遠盡誠凡弘謨遺稿片紙隻字不忍廢棄守貞四十餘載奉

旨建坊旌表

王氏 陳文奎妻奎卒矢志栢舟孝事孀姑歷三十餘年

沈氏 孔聞韶妻二十九歲夫亡生子甫八月紡績撫孤課讀有成六十歲卒

龔氏 孫士暹妻遲早歿事髦舅以孝聞竭蹶葬事不遺餘力撫庶子愛護逾於已出苦節數十年學憲旌表

張氏 汪乘御妾夫亡年二十七茶蘖自甘織紉佐家食畜二子不使隕越宗黨皆賢之年五十二候題旌

屠氏 章茂叔妻二十四歲夫死守貞孝養舅姑代供子職疾則奉侍湯藥歿則經理喪葬茹荼飲藥婦道

所難七十
五歲而卒

王氏 顧濤妻年二十九夫亡守節孝事舅姑塋祭盡禮持家勤儉教子成立苦節三十年題請旌獎准建坊

劉四娘 姓氏失傳夫劉四充賤役日覓蠅頭餬口四娘來歸舅姑已早逝焚香相守丙辰隣街火四夜

往代戚搬救罹難死四娘年二十二子僅數歲衣食一無倚藉四娘矢志存孤十指艱辛歷寒暑晝夜無輟時以糠粃自飽遣二子拾墜葉以代薪十三

年間貞操苦節里隣共仰二子雖長成亦貧甚

沈氏 范允欽妻年十九適范未三載夫疾刲股以療卒稱未亡人孝事舅姑慈育繼子慶治及長娶婦即

氏姪女賦性靜淑年二十九亦喪所天一門雙節三黨難之

范氏 胡雲上妻年十八子歸胡素有疾氏竭力供藥餌終不起年二十一歲撫孤孀居薪水皆辦十指為

子婚娶子復死茹荼飲藥凡六十載竟以憂痛歿待旌表

張氏 鄭淵繼室氏年二十八淵歿守貞矢志歷五十餘年子春薦杭州府學歲貢生善承慈訓博學能文

戶屢嘗滿氏健持家政門庭清肅八十歲卒督學顏藩憲呂俱賜匾額旌獎

諸氏 儒生姜與濂妻也其先餘姚八世祖縉妻胡氏生二子立達而縉卒胡年二十有四其伯氏以胡

年少子幼欲奪其志而佔其產胡陰知而不言其伯因訟於令令以言餽之胡遂取頭上首簪刺雙目血流被面令大驚慰之胡慮伯氏利其產必害其二子遂攜其子來家於杭後孫羔成進士表其事於朝建坊旌表胡壽至九十九與濂其裔孫也諸始結褵翌日母汪氏卒父遠出不歸而兩弟皆幼諸撫弟如子其後皆讀書成立諸年二十七而寡子大璋甫四歲內無娣姒外無強宗零丁孤苦十指餬口以至於今與濂亡日其母李尙在諸哭泣悲哀不敢出聲懼傷其姑之心又六年李病痢篤諸左右湯藥疾痛親為撫摩取中羈廁踰手自浣濯凡兩閱月李自度不起謂諸曰汝夫八歲父亡吾守至二十九歲又棄我去矣賴爾孝養吾無子而若有子然爾亦單弱吾重累爾唯願爾媳若吾媳曾元繁衍以報爾德是吾心也李歿諸盡哀備禮

春秋享祀猶隕涕云

金氏

陸禹舟妻事祖姑舅姑至孝禹舟病氏親奉湯藥衣不解帶者數日夫卒氏幾不欲生絕食垂斃姑

痛慰之乃稍稍食哭三年不絕聲後遭回祿家益貧乃力自操作夜勤紡績暑不避蚊蚋寒至裂肌膚苦

節三十年訓子成名子士仁

朱氏

諸生金日燦繼配也夫早死氏僅生一女前妻生一子氏撫之如已出其叔氏不才人也負營債甚

急乃竊賣其女於旗丁日燦之友某等共贖還叔又潛賣之金華女思其母哭泣悲哀遂瞽其目而亡燦子亦不肖不從母訓亦至流落而死初燦之友每月共周給之其後諸人各散去氏乃歸依其兄朱某以

費氏

陳映垣妻年念三夫歿孝事舅姑撫週歲孤兒衍伯成立今四十載屢奉 憲旌查少詹聲山有傳

汪氏

戴鏞妻年十七子歸鏞為諸生以勤學死遺孤才六月氏初欲以身殉翁諭之曰死節易撫孤難願

婦為其難者氏唯唯課子以嚴不以慈事事勤苦操作竟以暴疾卒彌留之際合掌誦佛號端坐而逝家人檢其遺篋得手書千言皆教約孤子立身行已持家處世之道真近世巾幗中所僅見者

孫氏 庠生柴棟妻年十五歸柴二十八夫亡事姑孝敬克盡婦職撫幼子成立養與教兼冰雪堅貞歷二十有七載孝節並著里黨共稱督學吳 宋題請旌表奉

旨建坊

汪氏 潘士第妻年十八歸潘纔七載士第遽以疾殞汪以頭觸棺流血被面誓以同歸家人百計勸止乃偷息人世苦守遺孤茹荼三十餘年而卒

劉氏 為沈士昭繼室歸沈四載而士昭歿生一子前室子亦尚幼氏撫之不異已出事舅姑以孝聞養生送死以婦道兼子職三十年來艱苦備嘗其子亦能遵氏教克自成立

王氏 庠生蘇瓚繼妻瓚死氏年三十自誓以殉遺孤方九齡家人勉以大義乃強食飲居危樓蚤夜組繡佐孤誦讀日惟給一溢米蔬菽不得御年四十二偶嬰微疾家人求醫氏堅拒曰自今乃可成余志矣作

絕命辭有立孤非難死亦易嬰
曰遜讓徒須麋之句竟不食死

朱氏 范武音妻年十八歸范不數月而武音瘵疾長逝即矢志殉夫以老姑在堂乏嗣侍奉遂以婦道而兼子職辛勤女工甘旨不缺姑歿盡力營葬繼子承祧訓誨成立苦節四十二載年已六十例合旌表

范氏 太學生潘元英繼室性至孝年十三母黃病瘵范額天自代割股和羹以進得稍瘥裹創強起不令父母知歸潘後撫前子女如已出元英病劇即以死自誓沒時勺漿不進者六日子女環跽泣請始啜粥糜自此足不踰闕而課督之勤有古賢母風子兆新領甲午第二名鄉薦諸孫皆有名庠序紳士請於有司待旌其門

孫氏 庠生施元龍妻年十六歸施舅年已髦氏侍奉甘旨曲盡孝敬夫病篤刺血為疏焚香籲天願以身代二十八歲夫亡遺孤貞珉方五齡氏九熊課讀勉以立身揚名卒至蜚聲庠序皆母訓也餐茶衣縞稱

未亡人三十五載屢經學院題旌奉旨建坊八十歲卒

裘氏 孫淵之妻年十九歸淵結褵未及一載夫抱疾不起死之日以頭觸地曰君往矣妾何生為既而曉

以舅姑之義事垂白撫遺孤苦節三十餘年里黨稱之

韓氏 儒士沈嗣英妻年十九于歸二十二歲而寡生子兆發纔五月孩耳氏慟哭不欲生已而嘆曰我死

如此呱呱者何茹茶飲藥撫育藐諸補博士弟子員有聲庠序壽至八十有五康熙二十五年巡撫金督

學王題請旌表奉旨建坊

沈氏 名雪字懷冰宋緒山妻幼喜吟咏有女博士之稱緒山讀書攻苦一病不起婚未數月而卒懷冰絕

粒不欲生日無嗣可撫曷若從夫地下舅姑勸解乃立次伯子為嗣愛逾親生居恒抱病絕不服藥曰生

死有數參苓可得壽乎奄奄十年病遂劇告舅姑曰大人幸瘞我夫婦以遂同穴之願浮屠教余所最鄙

考幸勿修言訖而逝著有松軒集一卷

鍾氏 生員錢崇順之妻三十二歲夫歿遭喪亂倍嘗艱苦子二長彪方六齡次軾四齡撫畜教誨俾其成

立彪中癸卯科舉人軾以子貴勅贈文林郎翰林院庶吉士加一級氏長齋二十餘年年

六十七歲卒

俞氏 錢崇順側室軾之生母也二十八歲崇順死熒熒嫡庶水葉相依長齋二十餘年年六十二歲卒

湯氏 生員錢允昌之妻二十三歲夫亡子幼撫以成立才德兼備年六十七歲卒

鍾氏 錢崇順所生幼繼生員鍾端為女長適文學沈煜煜死子世基方三歲篝燈紡績提孤子於秋霜夜

月中世基中丁酉科舉人氏今壽七十七歲

俞氏 錢軾之妻二十三歲軾亡氏欲以身殉已而念遺孤廷獻才二歲忍死以守茹荼集蓼恃而兼恬訓

列女節婦

之義方廷獻立氣節能文章皆稟母教也中壬辰科
進士翰林院檢討氏以子貴
勅封太孺人而布素自如長齋
五十五年壽今七十九歲

錢氏 文學金穎實之妻二十三歲于歸才兩月
而夫亡共姜自誓無子苦守者二十年卒

錢氏 生員鍾妻二十三歲夫死無
子苦節五十二年七十五歲卒

沈氏 生員吳兆隆之妻夫亡無子叠遭家
難苦節二十餘年今壽六十二歲

丁氏 國學汪士周妻性貞靜秉禮教歸汪克盡婦道夫
病刲股以救歿則艱貞自矢子方孩提拮据卒瘞

教育成立冰霜之操四十年如一日也蓋不獨其志
堅其才亦有足多者學使彭聞而重之為旌其間

程氏 貢生葉世寵妻少嫻內則工女紅長尤通經史歸
葉未二載遽失所天茹荼飲藥苦節待旌事舅姑

色養備至撫前妻子女如已出教以義方有
丸熊畫荻之遺鄉里咸稱其節孝無間詞云

胡氏 明經汪躍之妻系州別駕胡濤函女也幼淑慧嫻
內則孝經諸書年二十一歸汪汪以名諸生舉明

經對策都人士爭結納之發憤下帷捐館京邸胡年
二十九聞計昏迷者數四而上念尊嫜俯憐稚子偷

活人世子以婦代父以母兼撫藐孤成立舉丈夫子
三繼而孤復不祿胡以桑榆暮景哭夫者哭子燕翼

詒謀教子者教孫三十年來刻刻在冰霜茶藥中至
於持家有法御下有恩周施樂善戚黨莫不交頌焉

羅氏 文學章戡功妻年二十于歸事太姑高姑沈委婉
承順各得其歡心願成婚久而未有所生叔生子

繼泳羅喜甚抱而言曰兒無常母何必已出也後戡
功死卒無子以繼泳嗣焉母子依依晨昏靡間繼泳

偶外出門間倚望不頃刻去諸懷也年七十六兩目
眇昏猶勤女紅不輟每言及高太姑苦節事輒泫泫

淚下語繼泳曰吾聞節婦後子孫必昌汝其善
承之生而貞靜寡言笑淑慎之稱無間中外云

吳氏 國學汪棠之妻性生孝友適汪琴瑟靜好有伯鸞
德耀之風後汪以攻苦染疾彌留之際執吳手言

曰吾素徐汝志我死汝必從然應念堂上老姑及藐孤三子俯仰間吾目不瞑也氏飲泣曰謹受命菽水盡歡晨夕罔缺而斷機晝夜不少假借焉數十年來冰霜松栢之操可以風世矣

徐氏

處士陳祚明側室也自幼來陳正室儲夫人性嚴不假詞色徐事之惟謹年二十祚明納焉甫八閱月而祚明遠出徐方妊生男曾蓉後十二年祚明客死京邸徐纔三十餘左右將遣之徐慟哭曰妾侍箕帚久無大過且幸已生男願為夫人掃室布席以終餘年奈何我逐也遂脫去簪笄提甕執甕如初來時狀後嫡子曾菽喪偶遠遊遺兩諸孤方在孩提襁褓中時儲已物故而徐保抱撫育俾兩孤各有成就四十年來不知綺羅膏粱為何物今七十有六矣食貧操作晏如也

吳氏

文學汪跣妻及笄來歸敬事姑嫜頗諳大體跣喪已而念夫死無子且老姑在堂誰為奉養者偷息以供甘旨立嗣以承宗祧三十餘年冰操如一日也

陳氏

鳴鶴場大使胡宗模妻年十七夫死守節四十二載營墓舅姑叔嬸克盡禮法守令咸旌節孝焉

于氏

廕生王邦鐸之妻武三元王玉璧之媳也于生而端莊不苟言笑歸王未久邦鐸病且亟于呼號悲泣計無所之遂割股以進及邦鐸死于絕食數日已而念夫無嗣又老姑在堂脫以身填溝壑吾夫目且不瞑因偷息人世繼姪溥為子朝夕訓誨過於已出事姑柔聲怡色紡績以供菽水歡生養死葬皆出淋漓血指間也于為忠肅公後裔人咸稱其無忝爾祖云

方氏

金建烈妻幼嗜書史曉大義父病割股和藥病得瘳年十九歸金家素豐而好施予遂中落氏日夜紡績以佐薪水二十九歲夫亡毀容斷食宗黨勸慰撫孤成立治家整肅多義方課讀則勤可師服賈則儉足法閤里皆佩母教長子季子皆先歿娶婦幼孫撫恤備至今年逾八十神明不衰守節五十六載待

旌表

陸氏 洪雲漢妻忠毅大行鯤庭公孫女也適洪纔四閱
 月洪發狂疾人不可近醫治罔所效遂拘繫一室
 中氏手足無措遙望悲號者十年洪以是疾死氏誓
 以身殉左右防護惟謹乃撫姪為子提攜顧復教之
 成立苦節三十餘載今老矣篝燈紡績夜分不少休
 嗚呼始則有夫而無夫繼則無子而有子如陸氏者
 可不為難焉

王氏 曹守 陶氏 劉邦 毛氏 汪延 倪氏 柴選 江

氏 宋芳 吳氏 孫榮 許氏 王世 陳氏 孫橡 徐氏

模妻 裘昌 馮氏 朱錦 查氏 顧懋 吳氏 朱維 邵氏

嗣妻 沈賓 張氏 朱鑣 韓氏 童必 鈕氏 朱維 邵氏

妻 陳元 俞元 朱維籊 李氏 鍾國 張氏 陳時 錢

氏 周紹 徐氏 金印 楊氏 丁應 吳氏 張奇 孫氏

施應 馬氏 馮尙 鄭氏 陳雲 吳氏 朱維 徐氏

鸞妻 曹以 孫氏 丘汝 蔣氏 陳王 俞氏 沈基 張氏

脩妻 失其夫名陳 吳氏 生員唐 張氏 唐圻 屠氏 生

妻 唐鏞 永正母也 虞熙妻 張氏 屠氏 員

論曰節行之難也易言苦節不可貞節未有不苦者
 也節而至於不可貞勢固有不能貞者此貞之所以
 難也余嘗疑孔子作春秋記二百四十二年之事而
 婦人之以節見者紀叔姬一人而已豈其時化不逮

於閭閻而赴告策書所傳者多公侯之事歟若詩三百其十五國之風謠不爲少矣自蘋蘩桃李鷄鳴草虫以至求桑采葛采蘭贈芍之微無不備載而栢舟之詩又止一共姜何其靳也夫閭內之行冰霜彌厲而雪帷之下晷刻偏長或年少而無依或家貧而莫告或立孤匪易或鮮嗣無親或以母而兼父或以婦而代子遂中年夭折而無聞及衰老煢獨而罕倚誰其顯之誰其述之然而

朝廷有褒揚之典族黨有鄉評之公士大夫有闡幽之義與忠臣共垂於史籍與日月爭耀於彤編氣亦可以少伸矣舊制年踰五十者方得旌表其人亡其節顯乃登邑乘余方有事纂修念苦節之難伸而側陋之易泯故雖在未亡而符令典者悉爲存錄以發幽光而勵風俗一邑之內貞孝節烈幾數百人可以見聖朝之化行而俗美已

紅印

